

金剛般若經疏論纂要 幷序上

農

大興福寺沙門宗密述 長水沙門子琳治定

鏡心本淨像色元空夢識無初物境成有由  
是惑業襲習報應輪塵沙劫波莫之遏絕  
故我滿淨覺者現相人中先說生滅因緣令

基

悟苦集滅道既除我執未達法空欲盡病根  
方談般若心境濟泯即是真心垢淨雙亡一  
切清淨三千瑞煥十六會彰今之所傳即第  
九分句偈隱畧旨趣深微慧徹三空擅含萬  
行住一十八處密示階差斷二十七疑潛通

血脉不先遣遣曷契如如故雖策脩始終無  
相由斯教理皆密行果俱玄致使口諷牛毛  
心通麟角或配入名相著事乖宗或但云一  
真望源迷派其餘胷談臆注不足論天河沙  
珍寶三時身命喻所不及豈徒然哉且天親  
無著師補處尊後學何疑或添或棄故今所  
述不攻異端疏是論文乳非城內纂要名意  
及經題目次下即釋無煩預云

稽首牟尼大覺尊 能開般若三空句  
發起流通諸上士 寅資所述契群機

將釋此經未入文前懸敘義門畧開四段第一辯教起因緣第二明經宗體第三分別處會第四釋通文義初中二初總論諸教謂酬因酬請顯理度生也若據佛本意則唯爲一大事因緣故出現於世欲令衆生開佛知見

等後別顯此經五一爲對治我法二執故由此二執起煩惱所知二障由煩惱障障心心不解脫造業受生論轉五道由所知障障慧慧不解脫不了自心不達諸法性相縱出三界亦滯二乘不得成佛故名障也二執若除

二障隨斷爲除二執故說此經二爲遮斷種現二疑故遮未起種子之疑斷現起現行之疑即經中答所問已便躡跡節節斷疑乃至經終二十七段三爲轉滅輕重二業故轉重業今輕受滅輕業今不受四爲顯示福慧二

卷三

因故佛成正覺未說般若之前衆生由無妙慧施等住相皆成有漏或滯二乘故談般若顯示妙慧爲法身因五度爲應身因若無般若則施等五非波羅密不名佛因故須福慧二嚴方成兩足尊矣五爲發明真應二果故

未聞般若之前但言色相是佛不知應化唯真之影不如實見真身應身故此發明二果令知由前二因證得第二明經宗體二初宗統論佛教因緣爲宗別顯此經則實相般若觀照般若不一不二以爲其宗以即理之智

觀照諸相故如金剛能斷一切即智之理是爲實相故如金剛堅牢難壞萬行之中一一不得昧此是故合之以爲經宗二體文字般若即是經體文字即含聲名句文文字性空即是般若無別文字之體故皆含攝理無不

盡統爲教體第三分別處會二初總明佛說大部處會六百卷文四處十六會說一王舍城鷲峯山七會山中四會三他化天宮摩尼寶藏殿一會四玉舍城竹林園白鷲池側一會此經則第二處第九會

卷三

三

第五百七十七卷後別明傳譯此卷時主前後六譯一後秦羅什二後魏菩提流支三陳朝真諦四隨朝笈多五唐初玄奘六大周義淨上六人皆三藏今所傳者即羅什弘始四年於長安草堂寺所譯天竺有無著菩薩入

日光定上昇燒率親諸彌勒稟受八十行偈  
又將此偈轉授天親天親作長行解釋成三  
卷論約斷疑執以釋無著又造兩卷論約顯  
行位以釋今科經唯約天親釋義即兼無著  
亦傍求餘論採集諸疏題云纂要其在茲焉

第四釋通文義二初解題目

金剛般若波羅密經

金剛者梵云跋折羅力士所執之杵是此  
寶也金中最剛故名金剛帝釋有之薄福  
者難見極堅極利喻般若焉無物可能壞

一青色能消災厄喻般若能除業障二黃  
色隨人所須喻無漏功德三赤色對日出  
火慧對本覺出無生智火四白色能清濁  
水般若能清疑濁五空色令人空中行坐  
慧破法執住真空理六碧色能消諸妄慧

除三毒傍兼可矣非堅利之本喻般若正翻云慧即照五蘊空相應本覺之慧是也若約學者從淺至深言之則攝聞思脩三慧總爲般若故無著云能斷者般若波羅密中聞思脩所斷如金剛斷處而斷故又

卷二

四

云細者智因故者智因即慧也依智度論因位名般若果位名智則聞思脩皆名爲細細妙之慧佛智之因矣般若能斷故在因位佛果無斷轉受智名若依大品經若字通智慧二義故智與慧名義少殊體性

無別波羅密者此云彼岸到應云到彼岸謂離生死此岸度煩惱中流到涅槃彼岸涅槃此云圓寂亦云滅度一切衆生即寂滅相不復更滅但以迷倒妄見生死名在此岸若悟生死本空元來圓寂名到彼岸若兼般若迴文應云到彼岸慧經者梵音脩多羅義翻爲契經契者詮表義理契合人心即契理契機也經者佛地論云能貫能攝故名爲經以佛聖教貫穿所應說義攝持所化生故後釋經文准常三分初序

分二正宗分二流通分初文二初證信序  
二發起序○今初證信序

是聞一時佛在舍衛國祇樹給孤獨園  
與大比丘衆千二百五十人俱

釋此分三一明建立之因則佛臨滅度阿

難請問四事佛一一答我滅度後一依四  
念處住二以戒爲師三默擯惡性比丘四  
一切經物皆云如是我聞一時佛在其處  
與某衆若干等二明建立之意意有三焉  
一斷疑故謂結集時阿難昇座欲宣佛法

感得自身相好如佛衆起三疑一疑佛重  
起說法二疑他方佛來三疑阿難成佛故  
說此言三疑頓斷二息諍故若不推從佛  
聞言自製作則諍論起三異邪故不同外  
道經初云阿彌等三正釋文義具六成就  
謂信聞時主處衆六緣不具教則不興必  
須具六故云成就一信若兼我聞合釋則  
指法之辭也如是之法我從佛聞單釋如  
是者智度論云信成就也佛法大海信爲  
能入智爲能度信者言是事如是不信者

言是事不如是又聖人說法但爲顯如唯  
如爲是故稱如是又有無不二爲如如非  
有無爲是二聞我即阿難五蘊假者聞謂  
耳根發識廢別從總故云我聞阿難所不  
聞二十年前之經有云如來重說有云得

深三昧總領若推本而言即阿難是大權  
菩薩何法不通三時師資合會說聽究竟  
故言一時諸方時分延促不同故但言一  
又說法領法之時心境泯理智融凡聖如  
始本會此諸二法皆一之時四主具云佛

陀此云覺者起信云所言覺義者謂心體  
離念離念相者等虛空界即是如來平等  
法身則以無念名之爲佛然覺有三義一  
自覺覺知自心本無生滅二覺他覺一切  
法無不是如三覺滿二覺理圓稱之爲滿

故知有念則不名覺起信云一切衆生不  
衆名爲覺以無始來念念相續未曾離念又  
云若有衆生能觀無念者則爲向佛智故  
五處舍衛此云聞物謂具足欲塵財寶多  
聞解脫等遠聞諸國故義淨譯云名稱大

城祇樹等者即祇陀太子所施之樹給孤  
長者所買之園祇陀此云戰勝波斯匿王  
太子也生時王與外國戰勝因以爲名梵  
語須達此云善施給孤獨即是善施也又  
亦常行施故西國呼寺爲僧伽藍此云衆

園六衆與者并也及也大者名高德著比  
丘梵語此舍三義故存梵不譯一怖魔二  
乞士三淨戒衆者理和事和千二百五十  
者佛物成道度憍陳如等五人次度迦葉  
三兄弟薦徒總一千次度舍利佛目連各

兼徒一百次度耶舍長者子等五十人經  
舉大數故減五人此常隨衆故偏列數非  
無餘衆末隱顯耳俱者一時一處二發起  
序者謂乞食威儀離於邪命是爲持戒戒  
能資定定能發慧故以戒定發起般若正

卷二

七

宗△文二初戒

爾時世尊食時著衣持鉢入舍衛大城乞食  
於其城中次第乞已還至本處  
分七節釋一化主成實論說具上九號爲  
物欽重故曰世尊天上人間共所尊故二

化時食時辰時當日初分求乞易得不惱  
自他乞已歸園正當已時如常齋法三化  
儀著僧伽梨衣持四天王所獻鉢四化處  
園在城東南五六里自外之內爲入處廣  
人多曰大五化事佛爲欲顯頭陀功德令

放逸者慙愧以同事攝故自己食瓔珞女  
經說化佛身如全段金剛無生熟二歲今  
所乞者利益他故淨名云爲不食故應  
受彼食六化等一由內證平等理外不見  
貧富相二心離貪慢慈無偏利三表威德

不懼惡象沽酒姪女等家四息凡夫猜嫌  
五破二乘分別七化終然已字義屬下句  
文連上句飯食字義屬上句文連下句若  
廣其文令當句中備者應云次第乞已還  
至本處飯食飯食訖收衣鉢佛若不食他

福不滿寶雲經說隨所乞得分爲四分一  
擬與同梵行二擬施貧病乞人三水陸衆  
生四自食十二頭陀經唯說三分除梵行  
二定

飲食訖收衣鉢洗足已敷座而坐

分三節釋一併資緣將欲入定須息攀緣  
衣鉢不收心有勞慮故佛示現爲後軌也  
即收大衣著七條二淨身業阿含經說佛  
行離地四指蓮花承足今示現洗者順世  
表法爲後軌也三正入定敷座坐禪者由

身端故心離沉掉故魏譯云如常敷座結  
加趺坐端身而住正念不動唐譯云端身  
正願住對面念無著云顯示唯寂者於此  
能覺能說故然大聖現跡必有所表表本  
覺之佛在五蘊之都覺魔軍本空名爲戰

勝照心識具德即是給孤求法養神乞  
士衆覺心既發寧棄塵勞將欲徧觀遂入  
識藏心心數法次第思惟即妄而真皆得  
法喜法喜無體融合覺心思惟假緣亡緣  
可得真性觀照是跡拂跡返本還源返本  
還源法空心寂心寂真體般若朗然欲談  
般若正宗如是示現發起資聖云夫身有  
二一僞二真五蘊僞體假衣食以生育法  
身無相因般若以照成羣生保僞遺真諸  
佛養真棄僞辟生既迷真而取僞我乃假

僞跡而引真故託乞食之緣將施法喜之化故涅槃經云汝諸比丘雖行乞食初未曾乞大乘法食第二正宗分二門分別約無著七種義句以懸判後依天親問答斷疑以科釋初中七義句者一種性不斷

星

九

謂護念付囑二發起行相謂由請讚許三行所住處謂十八住從佛正說直至經終是無相行所住處矣四對治謂一一住處皆具邪行共見正行二種對治五不失謂由對治離增減二邊不失中道六地位謂

由不失中道成賢聖位信行地淨心地如來地七立名謂由前六智慧堅利位地闊狹故名金剛後四但約第三句中十八住說無別經文十八住處者一發心住經云應如是降伏其心所有一切等二波羅密

相應行住不住色布施等三欲得色身住可以身相等四欲得法身住法身有二一言說法身頗有衆生等因言顯理故二證得法身復有二一智相如來得阿耨等二福相若人滿三千等五於脩道得勝中無

慢住湏陀洹等從此至十六住如次對治十二種障意明欲求色身法身湏離是障障盡故入十七證道住今當對治第一慢障六不離佛世時住昔在燃燈等離第二少聞障不離佛世則具多聞七願淨佛土

住菩薩莊嚴佛土不等離小攀緣作念佛道障緣形相土則小無緣則大契法界故八成熟衆生住人身如湏彌等離捨衆生障若見大小不能濟物九遠離隨順外論散亂住如恒河中所有沙等離樂隨外論

散亂障恒沙寶施不及持經如何外學不備正法十色及衆生身搏取中觀破相應行住三千世界所有微塵等離破影像相中無巧便障既離散亂與定相應以細末不念二種方便破簾至細泯細至空則除

卷二

影像之相想十一供養給侍如來住可以三十二相見如來不等離福資糧不具障不以相見常見法身名爲給侍福無邊矣十二遠離利養及疲乏熱惱故不起精進及退失住恒河沙身命布施等離樂味懈

急利養障恒沙命施猶劣受持豈爲一身  
耽著利養身疲心惱而懈怠耶十三忍苦  
住忍波羅密割截身等離不能忍苦障無  
我等相累苦能忍十四離寂靜味住當來  
之世若有人能於此經受持讀誦等離智

離智

資糧不具障日三時捨身一一沙數不及  
信經如何唯專禪定耽寂靜味關於智慧  
而不持說十五於證道時遠離喜動住云  
何住降等離十一不自攝障我能住降心  
生喜動動則不能自攝十六求佛教受住

卷一

土

足一國土淨具足我當莊嚴佛土等此教  
二地已上諸大菩薩二無上見智淨具足  
有肉眼不等此下皆唯佛果故云無上無  
上之言貫通下四三福自在具足若人滿  
三千界七寶等四身具足佛可以具足色

身等五語具足汝勿謂如來說法等六心  
具足佛得阿耨菩提爲無所得耶乃至應  
作如是觀又十八住畧爲八種亦得滿足  
一攝住處二波羅密淨住處二次配三  
欲住處攝三及四四離障礙住處即前十  
二障也從五至十六五淨心住處六究竟  
住處上二次配十七十八七廣大住處八  
甚深住處上二各攝十八住處一一住中  
皆深皆廣十八住文配位地者第一十住  
第二十行中前六三第七行四後三行五

至十四如次配十迴向十五燭頂十六忍  
世第一十七初地十八從二地乃至佛地  
第二依天親問答斷疑以科釋總分四段  
△初善現申請二初整儀讚佛  
時長老須菩提在大衆中即從座起偏福右

肩右膝著地合掌恭敬而白佛言希有世尊  
如來善護念諸菩薩善付囑諸菩薩  
長老者德長年老唐譯云具壽壽即是命  
魏譯云慧命以慧爲命須菩提有三義譯  
謂善吉善現空生生時室空解空之善瑞

現矣相師占云唯善唯吉從座起下胥整理威儀脩敬之相希有者世所無故如來

者從如而來論云善護念者依根熟菩薩說謂與智慧力令成就佛法與教化力令攝受衆生善付囑者依根未熟菩薩說懼

墨

士

其退失付授智者付者將小付大囑者囑大化小菩提薩埵此云覺有情三釋一約境所求所度二約心有覺悟之智餘情慮之識三約能所求能求三皆如次配覺及有情二正發問端

世尊善男子善女人發阿耨多羅三藐三菩提心應云何住云何降伏其心

曲分二初釋當機華嚴云忘失菩提心脩諸善業魔所攝持阿耨多羅三藐三菩提此云無上正徧正覺謂正智徧智覺知真

俗不偏不邪二釋正問魏譯云應云何住云何脩行云何降伏其心意云若人發菩提心已住何境界脩何行業妄心若起云何降伏故佛令安住四心脩六度行於中降心不令著相秦譯畧脩行者意云住道

降心即是脩行謂四心六度皆名住脩降伏故無著云住謂欲願脩行謂相應等持降伏謂彼心若散制令還住又十八住中一一皆以住脩降伏釋之故知義雖有三而行是一○二如來讚許

卷二

三

佛言善哉善哉須菩提如汝所說如來善護念諸菩薩善付囑諸菩薩汝今諦聽當爲汝說善男子善女人發阿耨多羅三藐三菩提心應如是住如是降伏其心曲分三一印讚所讚重言善哉讚美之極

護付能令佛種不斷是事必然故印讚言如汝所說○二勑聽許說無以生滅心行聽實相法智論偈云聽者端視如渴飲一心入於語義中踊躍聞法心悲喜如是之人可爲說三標勸將陳我當爲汝如是如

是委細而說三善現佇聞

唯然世尊願樂欲聞

唯者順從之辭禮對曰唯野對曰阿十地經云如渴思冷水如饑思美食如病思良藥如衆蜂依蜜我等亦如是願聞甘露法

△四如來正說二一正答所問二初舉揔  
標別以牒問  
佛告須菩提諸菩薩摩訶薩應如是降伏其  
心

此以降伏爲揔住脩爲別也謂住脩之中

皆有降伏經意在此故唯標降伏有科此  
所標云舉後攝初者乃令經文極不穩暢  
理例顛倒自古言教祇有以初攝後未聞  
以後攝初况詳經文無別答降伏之處則  
知降伏在住脩中皆令離相是答降伏問

也不別答者此經宗於離相離相正是降  
心本意欲明降心須約住脩而顯住脩降  
心本不相離故無著十八住皆有住脩降  
心△二約別顯揔以答問二一答安住降  
心問四初廣大心

卷一

商

所有一切衆生之類若卵生若胎生若濕生  
若化生若有色若無色若有想若無想若非  
有想非無想

文二初句標三界普度故若卵下二列三  
一受生差別天獄化生鬼通胎化人畜各

四諸餘微細水陸地空不可具分品類外  
劣在初者二釋一約境具緣多者爲首二  
約心從本至末爲次二依止差別有色四  
禪無色四空三境界差別功德施云有想  
則空識二處無想則無所有處非等則有

一難處生者待時故二非難處生未成熟  
者成熟之故三已成熟者解脫之故○○  
三常心

如是滅度無量無數無邊衆生實無衆生得  
滅度者

卷三

五

項○○二第一心

我皆令入無餘涅槃而滅度之  
即無住處涅槃不共二乘故云第一無著  
云何故願此不可得義生所攝故又云外  
漏無想有頂則不能云何普入有三因緣

一性空故二同體故論云自身滅度無異  
衆生三本寂故四無念故五法界故四不  
倒心

何以故須菩提若菩薩有我相人相衆生相  
壽者相即非菩薩

論云遠離依止身見衆生等相故無著云  
已斷我見得自行平等相故信解自他平  
等顯示降伏心中攝散時衆生想亦不轉  
如彼爾炎△二荅脩行降心問五○初標

精進疲倦故不能說法若無禪定即貪信  
敬利養染心說法若無智慧便顛倒說法  
一別釋

所謂不住色布施不住聲香味觸法布施  
本論但指三事謂自身報恩果報偈云自

身及報恩果報斯不著護存已不施防求  
於異事三總結

須菩提菩薩應如是布施不住於相  
前但指三事今則心境空有微細盡祛故  
偈云遠離取相心論云不見施物受者施

後次須菩提菩薩於法應無所住行於布施  
於法者統標諸法應無下正明脩行問菩  
薩萬行何唯說一荅萬行不出六度六度  
總名布施故偈云檀義攝於六資生無畏  
法此中一二三是名脩行住無著云若無

者無著云不住相想有人將此結文爲答  
降伏問非也前標次釋次結皆云無住都  
是脩行中降伏之義何忽偏判配結之文  
爲答別問○四顯益

量須菩提於意云何東方虛空可思量不  
也世尊須菩提南西北方四維上下虛空可

思量不不也世尊須菩提菩薩無住相布施  
福德亦復如是不可思量

初句徵者論云若離施等相想云何成就

施福者菩薩下釋於中三初法說爲疑無  
福不可思以斷之東方下喻說可知菩薩  
無住相下法合虛空者無者云猶如虛空  
有三因緣一遍一切處謂住不住相中相  
生故二寬廣高大殊勝故三無盡究竟不

窮故五結勸

須菩提菩薩但應如所教住

二躡跡斷疑論云自此已下示現斷生疑  
心於中文分二十七段一斷求佛行施住  
相疑疑云爲求佛果行施即是住所求佛

相云何無住又不住相爲因豈感色相之

果因果不類故斷之文四初舉疑因以問

湏菩提於意云何可以身相見如來不

本祇因以相爲佛故對前不住相起疑佛

舉疑起之因問答欲令除斷○二防相得

卷

七

以酬

不也世尊不可以身相得見如來

遮防疑者欲以相求令得見佛故答云不  
可以相得見論云爲防彼相成就得如來

身三釋體異有爲

何以故如來所說身相即非身相

相是有爲生住異滅佛體異此故非身相

偈云三相異體故者佛體異於有爲三相  
也住異二相同是現在故合爲一若細分  
即四故唯識云生表此法先非有滅表此

法後是無異表此法非疑然住表此法雖  
有用四印佛身無相

佛告湏菩提凡所有相皆是虛妄若見諸相  
非相即見如來

非但佛身無相但是一切凡聖依正有爲

之相盡是虛妄以從妄念所變現故妄念本空所變何實故起信云一切境界唯依妄念而有差別若離心念即無一切境界之相若見諸相等者遮離色觀空也恐聞相是虛妄又別求無相佛身故云相即非

相便是如來不唯佛化身相是如來所見一切相相皆無相即如來也故起信云所言覺義者謂心體離念離念相者等虛空界即是如來平等法身肇云行合解通則爲見佛偈云離彼是如來者離彼三相是

法身如來也無著則於色身但離偏計不執色相即真色身故彼論云此爲顯示如來色身又此當第三欲得色身住處二斷因果俱深無信疑論云無住行施因深也無相見佛果深也未來惡世必不生信空

卷三

文

說何益斷之文四初約無信以呈疑須菩提白佛言世尊頗有衆生得聞如是言說章句生實信不

魏云頗有衆生於未來世云云今畧此句者影在後五百歲也苟詮差別章者解句

實信者大品云於一切法不信是信般若

二呵疑詞以顯信

佛告須菩提莫作是說如來滅後後五百歲  
有持戒脩福者於此章句能生信心以此爲  
實

少欲等功德戒出三塗定出六欲慧出三  
界三明能信之所以二初明歷事善友猜  
集信因

當知是人不於一佛二佛三四五佛而種善  
根已於無量千萬佛所種諸善根聞是章句

乃至一念生淨信者

卷五

五

後五百歲者大集云初五百歲解脫牢固  
第二五百歲禪定牢固三多聞四塔寺五  
闡諳譬如初二句例本疑惡世無信故舉惡世以  
斷疑持戒脩福者戒定也以此爲實者正  
解無倒無著云增上戒等三學顯示脩行

無著云顯示集因於多佛所明久事善友  
則緣勝也種諸善根明久伏三毒則因勝  
也二明善友所攝成就信德二初明攝受  
得福顯福德門

須菩提如來悉知悉見是諸衆生得如是無量福德

無著云謂於一切行住所作中知其心四蘊

見其依止船故此等顯示善友所攝論云

若不說見或謂如來以比智知若不說知

或謂如來以肉眼見視湏二語得福德者  
魏云生如是福德取如是福德論云生者  
能生因取者熏脩自體果義無著云生者  
福正起時現行取者即彼滅時攝持種子  
此云得者生取二義不離於得得之一字

生取俱攝二明攝受所以顯智慧門由無  
二執故得攝受△文二初正明已斷簾執  
何以故是諸衆生無後我相人相衆生相毒  
者相無法相亦無非法相

物微信者以何義故得如來悉知悉見後

釋二一無我執執取自體爲我計我展轉  
趣於餘趣爲人計我盛衰苦樂種種變異  
相續爲衆生計我一報命根不斷而住爲  
壽者二無法執論云無法相者能取所取  
一切法無亦無法相者無我真空實有

然離二執正是得佛知見成就淨信之本  
善根福德却是相兼故論云有智慧便足  
何故復說持戒功德爲示現實相差別義  
故亦有持戒功德依信心恭敬能生實相  
故不但說般若二因顯未除細執

卷一

二

何以故是諸衆生若心取相則爲著我人衆  
生壽者若取法相即著我人衆生壽者何以  
故若取非法相即著我人衆生壽者  
若心取下揔明二相揔解取法非法盡名  
相也亦是建立取相則我等相便生立義

宗也若取法下別明二相論云但有無明  
使無現行簾煩惱示無我見故無著云但  
取法及非法相轉非我等想以我等想及  
依止不轉中有徵者取法但爲法相何故  
便著我等釋云取非法亦著我等何況取  
法以後釋前也四示中道之玄門  
是故不應取法不應取非法以是義故如來  
常說汝等比丘知我說法如筏喻者法尚應  
捨何況非法

初正結歸中後引說以證筏喻者假言顯

義不應如言執義不執即爲不取非全棄

也偈云彼不住隨順於法中證智論釋云  
不住者得證智捨教如到彼岸隨順者隨  
順彼證智之教法如未到岸無著云法尚  
應捨者實相生故何況非法者理不應故

菩提耶如來有所說法耶

佛問得不意顯不得故無著云顯示翻於

正覺取故二順實理以酬

湏菩提言如我解佛所說義無有定法名阿  
彌多羅三藐三菩提亦無有定法如來可說

三斷無相云何得說疑論云向說不可以  
相見佛佛非有爲云何釋迦得阿耨菩提

云何說法斷之文二初問答斷疑四初舉

偈云應化非真佛亦非說法者三釋無定  
法之言

疑因以問

何以故如來所說法皆不可取不可說非法  
非法

湏菩提於意云何如來得阿耨多羅三藐三

無著云不可取者謂正聞時不可說者謂

正說時非法者分別性故非非法者法無我理故論云彼法非法非非法依真如義說非法者一切法無體相故非非法者彼真如無我實相有故何故唯言說不言證有言說者即成證義故若不證者則不能

### 說四釋無取說之所以

所以者何一切賢聖皆以無爲法而有差別

魏云一切聖人皆以無爲法得名論意云聖人但依真如清淨得名非別得法故無取說而有差別者論云真如具足清淨分

清淨無著云無爲者無分別義故是故菩薩有學得名如來無學得名初無爲者折伏散亂時顯了故後無爲者唯第一義者無上覺故三乘賢聖皆脩證無爲故通說爲差別二校量顯勝四初舉劣福以問

卷三

須菩提於意云何若人滿三千大千世界七

寶以用布施是人所得福德寧爲多不

俱舍偈云四大洲日月蘇迷盧欲天梵世各一千名一小千界此小千千倍說名一中千此千倍大千皆同一成壞七寶者金

銀琉璃珊瑚碼碯亦真珠頗黎二釋福多

以酬

須菩提言甚多世尊何以故是福德即非福

德性是故如來說福德多

無著云是福德者標牒即非者約勝義空

是故者約世俗有三判經福超過

若復有人於此經中受持乃至四句偈等爲

他人說其福勝彼

偈云受持法及說不空於福德福不趣菩

提二能趣菩提四句者但於四句詮義究

竟即成四句偈如凡所有相皆是虛妄若

見諸相非相即見如來此最妙也然但義

見四句持說即趣菩提文或增減不必唯

四義若闕者則互成謗四釋超過所以二

初正釋

卷

三

何以故須菩提一切諸佛及諸佛阿耨多羅

三藐三菩提法皆從此經出

諸佛菩提法者論云名爲法身於彼法身

此二能作了因一切諸佛者即報化身論

云於此能爲生因二轉釋

湏菩提所謂佛法者即非佛法

第一義中無有佛法從經出也四斷聲聞  
得果是取疑論云向說聖人無爲法不可  
取說云何聲聞各取自果如證而說斷之  
文四初入流果

湏菩提於意云何湏陀洹能作是念我得湏  
陀洹果不湏菩提言不也世尊何以故湏陀  
洹名爲入流而無所入不入色聲香味觸法  
是名湏陀洹

湏陀洹此云入流入聖人流故亦云湏流

是心我能得果若起如是心我能得果即  
爲著我等故知得果是不取義何得疑云  
是取二一來果

湏菩提於意云何斯陀含能作是念我得斯  
陀含果不湏菩提言不也世尊何以故斯陀

預聖人流故祇由不入六塵名入聖流不  
是別有所入故論云聖人得果不取一法  
不取六塵境界故名逆流乃至羅漢不取  
一法以是義故名阿羅漢然非不取無爲  
自果但於證時離取我等煩惱是故無如

含名一往來而實無往來是名斯陀含  
斯陀含此云一來斷欲界六品脩惑從此  
命終一往天上一來人間便得阿羅漢采  
故名一來而實無來者已悟無我誰能往  
來三不來果

卷三

二十一

湧菩提於意云何阿那含能作是念我得阿  
那含果不湧菩提言不也世尊何以故阿那  
含名爲不來而實無不來是故名阿那含  
阿那含此云不來亦云不還斷欲界九品  
脩惑盡命終一往天上更不還來下界故

云不來而實無不來義同前釋四不生果  
阿羅漢此釋有三一無貳三界見脩煩惱  
盡故二不生不受後有故三應供受人天  
廣大供養故文三初舉所得以問  
湧菩提於意云何阿羅漢能作是念我得阿

羅漢道不

二明無取以答

湧菩提言不也世尊何以故實無有法名阿  
羅漢世尊若阿羅漢作是念我得阿羅漢道  
即爲著我人衆生壽者

三引已證令信三初明佛先印

世尊佛說我得無諍三昧人中最爲第一是  
第一離欲阿羅漢

無諍者不惱衆生能令衆生不起煩惱故  
佛讚之十弟子中善現弟一離欲者三界

卷一

五

煩惱但有貪心盡名爲欲非唯欲界二界  
已不取

我不作是念我是離欲阿羅漢

三却釋佛意

世尊我若作是念我得阿羅漢道世尊則不

說湏菩提是樂阿蘭那行者以湏菩提實無  
所行而名湏菩提是樂阿蘭那行

論云離二種障一煩惱障得阿羅漢故離

二三昧障得無諍故離故無所行阿蘭那  
者此云寂靜五斷釋迦然燈取說疑論云

釋迦昔於然燈佛所受法彼佛爲此佛說  
法云何言不可取不可說

佛告湏菩提於意云何如來昔在然燈佛所  
於法有所得不不也世尊如來在然燈佛所  
於法實無所得

於法實無所得者然燈佛說說是語言釋迦所聞唯聞語言語言非實智證法故論

云釋迦於然燈所言語所說不取證法以是義故顯彼證智不可說不可取六斷嚴土違於不取疑論云若法不可取云何諸

菩薩取莊嚴淨土云何自受法王身斷之

文三初舉取相莊嚴問

湏菩提於意云何菩薩莊嚴佛土不

佛意欲明法性真土故問取形相莊嚴土不二釋離相莊嚴答

不也世尊何以故莊嚴佛土者即非莊嚴是名莊嚴

偈云智習唯識通如是取淨土非形第一體非嚴莊嚴意論釋云諸佛無有莊嚴國土事唯真實智慧習識通達故不可取莊

卷三

三

嚴有二一形相二第一義相非嚴者無形相故莊嚴意者即是第一莊嚴以一切功德成就莊嚴故三依淨心莊嚴勸

是故湏菩提諸菩薩摩訶薩應如是生清淨心不應住色生心不應住聲香味觸法生心

應無所住而生其心

論云若人分別佛土是有爲形相而言我成就者彼住於色等境中爲遮此故云應如是生清淨心不應住色等也而生其心者則是正智此是真心若都無心便同

空見七斷受得報身有取疑惑意如前斷之文二初問答斷疑

湏菩提譬如有人身如湏彌山王於意云何是身爲大不湏菩提言甚大世尊何以故佛說非身是名大身

論云如湏彌山王勢力高遠故名爲大而不取我是山王以無分別故報佛亦如是以得無上法王體故名大而不取我是法王以無分別故故偈云如山王無取受報亦復然非身名身者非有漏有爲身是無漏無爲身故偈云遠離於諸漏及有爲法

卷二  
故論云若如是即無有物若如是即名有物以唯有清淨身故以遠離有爲法故以是義故實有我體以不依他緣住故二校量顯勝二一約外財校量廣顯經勝二一

校量勝劣三初約多河以辨沙

須菩提如恒河中所有沙數如是沙等恒河  
於意云何是諸恒河沙寧爲多不須菩提言  
甚多世尊但諸恒河尚多無數何況其沙

恒河者從阿耨池東面流出周四十里沙

細如麪金沙混流佛多近此說法故取爲

前二約多沙以彰福

須菩提我今實言告汝若有善男子善女人

以七寶滿爾所恒沙河數三千大千世界以  
用布施得福多不須菩提言甚多世尊

論云前已說喻何故復說偈云說多義差  
別亦成勝校量後福過於前故重說勝喻  
何故不先說此喻爲漸化衆生令信上妙  
義故又前未顯以何等勝功德能得菩提  
故三約多福以顯勝

佛告須菩提若善男子善女人於此經中乃  
至受持四句偈等爲他人說而此福德勝前  
福

施感生死經趣菩提大意同前二釋勝所  
以五一等處歎人勝三初明處可敵

三顯處有佛

若是經典所在之處則爲有佛若尊童弟子  
經顯如來法身依法則有報化又一切賢  
聖皆以無爲得名經顯無爲必有賢聖尊  
重弟子二約義釋辨名勝

復次湧菩提隨說是經乃至四句偈等當知  
此處一切世間天人阿脩羅皆應供養如佛  
塔廟

大般若說天帝不在諸天若來但見空座  
盡皆作禮供養而去窣堵波此云高顯塔

者邊國訛語廟貌也於塔中安佛形貌二  
顯人獲益

何況有人盡能受持讀誦湧菩提當知是人  
成就最上第一希有之法

前四句猶勝况此盡能受持故最上等也

爾時湧菩提白佛言世尊當何名此經我等  
云何奉持佛告湧菩提是經名爲金剛般若  
波羅密以是名字汝當奉持所以者何湧菩  
提佛說般若波羅密則非般若波羅密

佛立經名約能斷惑斷惑故勝也則非般

卷九  
著者無著云對治如言執故三佛無異說勝  
湏菩提於意云何如來有所說法不湏菩提  
白佛言世尊如來無所說

無所說者無別異增減之說但如證而說  
既如其說則無所說三世佛皆然故云無

異說故論云無有一法唯獨如來說餘佛  
不說無著云第一義不可說四施福劣塵  
勝

湏菩提於意云何三千大千世界所有微塵  
是爲多不湏菩提言甚多世尊湏菩提諸微

塵如來說非微塵是名微塵如來說世界非  
世界是名世界

論云實施福德是煩惱因以能成就煩惱  
事故地塵無記非煩惱因故塵勝施劣大  
雲云故諸地塵則非貪等煩惱塵是名無

記地塵如來說三千界非煩惱染因界是  
名地塵無記界是則界爲塵因塵不生煩  
惱施爲福因福生煩惱五因果離相勝  
湏菩提於意云何可以三十二相見如來不  
也世尊不可以三十二相得見如來何以

故如來說三十二相即是非相是名三十二相

恐施寶者云我施求佛誰言煩惱故此經云可以相爲佛不論云持說此法能成菩提勝彼福德何以故彼相於佛菩提非法

身相故經福能降施福德三十二相意明經福降施方得色相佛身若但寶施即煩惱因二約內財校量倍顯經勝二初校量勝劣湏菩提若有善男子善女人以恒河沙等身

命布施若復有人於此經中乃至受持四句偈等爲他人說其福甚多

捨身勝於寶施持說又勝捨命二釋勝所以五初泣歎未聞深法勝

爾時湏菩提聞說是經深解義趣涕淚悲泣

卷一  
三

而白佛言希有世尊佛說如是甚深經典我從昔來所得慧眼未曾得聞如是之經

捨身之苦已感人心何況更聞不及持說是故悲淚論云念彼身苦尊重法故悲淚慧眼人空也未聞法空也二淨心契實具

德勝二初正明

世尊若復有人得聞是經信心清淨則生實相當知是人成就第一希有功德

論云此中有實相餘者非實相二佛跡

世尊是實相者則是非相是故如來說名實

相

無著云爲離實相分別想故三信解三空

同佛勝三初總標信解

世尊我今得聞如是經典信解受持不足爲難若當來世後五百歲其有衆生得聞是經

信解受持是人則爲第一希有

無著云未來法滅時尚有菩薩受持故無我人等取云何汝等於正法時遠離脩行

不生慚愧二別顯三空

何以故此人無我相人相衆生相壽者相所

卷二

主

以者何我相即是非相人相衆生相壽者相

即是非相何以故離一切諸相即名諸佛

無著云無我等者無人取我等即非相者

無法取離一切者顯示諸菩薩隨順學相  
諸佛世尊離一切相是故我等應如是學

三如來印定

佛告須菩提如是如是

四聞時不動希有勝

若復有人得聞是經不驚不怖不畏當知是

人甚爲希有

論云驚者謂非處生懼怖者不能斷疑心  
故畏者一向怖故其心畢竟惶驚怖故五

大因清淨第一勝

何以故須菩提如來說第一波羅 非第一

波羅密是名第一波羅密

何以故者有二一踊前不驚等徵二都踊  
前勝以徵論云此法門者名爲大因勝餘  
脩多羅故名爲清淨無量諸佛同說故故  
彼珍寶檀等無如是功德是故彼福德中  
此福爲勝

金剛般若經疏論纂要

永樂北藏

金剛經疏論纂要

第一八七冊